



Sad je na Vas red.

Ovako namjeravamo ojačati Švedsku za Vas.



Jedna jača Švedska za sve

Ove jeseni ćete moći učestvovati u odluci u kom će smjeru naša zemlja krenuti. Obecavamo zajedništvo, a ne podjele. Obecavamo investicije, a ne rezove. Švedska je dugo bila oslabljena, a mi želimo da Švedsku ponovo ojačamo.

Mi socijaldemokrate smo naučili lekciju i vratili se svojim korijenima. Tri godine radimo na rješenjima koja se bave današnjim problemima i pripremom Švedske za teška vremena. Danas smo direktnija i odlučnija stranka. Sa zadatkom da poboljšamo svakodnevicu ljudima koji vrijedno rade i osnažimo zajedništvo u društvu.

Sada je vrijeme.



Snažna ekonomija koja će se osjetiti u novčaniku

Nakon godina visoke inflacije, rasta cijena hrane i velikih poreskih olakšica za najbogatije, sada je došlo vrijeme za običan narod sa običnim poslovima i platama. Uz našu politiku, devet od deset ljudi imaće više novca u novčaniku.

Želimo se boriti protiv rekordno visoke nezaposlenosti. Svi koji mogu raditi trebaju raditi. Švedskoj je potrebna ofanzivna i moderna politika ekonomskog rasta. Investicije u socijalnu zaštitu i klimatsku tranziciju znače više radnih mjesta u cijeloj zemlji.

- Nepravedni "karens" se mora ukinuti.
- Veće penzije za ljude koji su radili cijeli život.
- Jači pritisak na banke i velike prehrambene lance.
- Zaštita od visokih cijena električne energije.
- Povećanje dječjeg dodatka i besplatna stomatološka njega za mlade.



Jaka škola, jako zdravstvo i jaka socijalna zaštita za sve

Morate imati sigurnost, podršku i pomoć, bez obzira na to u kojoj se životnoj fazi nalazite. Stoga je potrebno više osoblja u zdravstvu, školama i socijalnoj zaštiti, kako bi imali više vremena za sve.

Novac za školstvo treba ostati u školi, a nastavnici trebaju imati više vremena za dijete koje podiže ruku, kao i za dijete koje to nikada ne radi. Više ćemo ulagati u negu starijih osoba, osigurati da osoblje ima bolje uvjete i da umije govoriti švedski, jer starenje u Švedskoj mora biti sigurno.

- Kraće vrijeme čekanja u zdravstvu.
- Više nastavnika u školi.
- Zabrana profitiranja u školama i predškolskim ustanovama.
- Više osoblja te uslov poznavanja jezika u njezi starijih osoba.



Snažna zajednica i povećana sigurnost tamo gdje živite

Kriminal se sve više približava svakodnevnom životu ljudi, a ova izuzetno ozbiljna situacija zahtijeva nove pristupe u rješavanju problema. Zato želimo pratiti mlade ljude koji su u zoni rizika i zatvoriti vođe bandi uz pomoć antimafijaškog zakona.

Prijetnja dolazi i izvana. Stoga se vojna sposobnost Švedske mora brzo ojačati, dok istovremeno želimo potaknuti razvoj kritičnih dijelova društva, kao što su željeznica, zdravstvo, te snabdijevanje električnom energijom i hranom. Spremi smo na saradnju i stvaranje širokog političkog uporišta kako bismo osigurali Švedsku.

- Zaštitimo švedsku demokratiju i naš način života.
- Sistem totalne odbrane se mora razviti.
- Oštro prema kriminalu i njegovim uzrocima.
- Antimafijaški zakon će ukloniti vođe bandi sa ulica.
- Švedska ne smije imati ranjiva područja.

Zdravo!

Volim Švedsku, ali predugo se ova zemlja dijeli i slabi. Ljudi koji vrijedno rade su doživjeli još gori položaj.

Imam plan da ovu zemlju ponovo učinim jakim. Želim izgraditi široku i snažnu saradnju koja daje rezultate i poboljšava svakodnevni život. U neizvjesnim vremenima u kojima živimo, važnije je nego ikad da najbolji interesi Švedske budu na prvom mjestu.

Ne obećavam sve svima. Ali nakon mnogo teških godina, sada mora doći red na Vas i Vašu porodicu. To je moje obećanje Vama.

13. septembra imate izbor. Zato tražim Vaše povjerenje da vodim Švedsku kako bismo ponovo izgradili ovu zemlju i učinili je jakim.



Magdalena Andersson



Izborni letak je dostupan
i preveden na 17 jezika.



Želim dati svoj glas
Socialdemokratama.



Socialdemokraterna